



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XIII. Die Martii.

**urn:nbn:de:hbz:466:1-9625**

## XIII. DIE MARTII.

ANONYMVS COAD-  
IVT. TARRACONENIS.P. IOANNES  
ROBE.Tarracona.  
1602. 13.  
Mar. 21. 66.  
Soc. 36.**H**Vius nomen tacent annuæ; mor-  
tem hoc die collocant nonnulli.

Celebratur ab omnibus quas in  
Coadiutore optimo Societas requirit  
virtutibus, à pietate erga Deum, &  
Dei Matrem, ab asperitate erga seip-  
sum, ab obedientia erga Superiores, &  
leges nostras, etiam in ætate prouectâ.  
Nullâ vnquam re perturbabatur, ta-  
meti occupatus. Obsonatorem agens  
tantum virtutis odorem, de se vbique  
spargebat, vt pia illa modestiæ lux,  
magnæ apud externos erga illum re-  
uerentiæ conciliatrix esset: è quibus  
*multi*, vt aiunt literæ Tarraconenses  
*domum venero, stratisq; humi, et sunt re-  
uerenter osculati manus.* Nunquam tam  
fesso poterat quicquam imperari, vt  
turbaretur; nunquam in cubiculo, vel  
foris aliter, quàm in oratione, vel in  
labore inueniebatur, identidem sese  
ad SS. Sacramentum adorandum con-  
ferens, laboribus expeditis. Matutinâ  
oratione perfectâ in se funiculis sænie-  
bat, vt sic in cælum eunti animo post  
orationis alata, alteram quoque mor-  
tificationis ad volandum adiungeret.  
Suprema febris per ipsos 17. dies illum  
dirè coxit: at ille nunquam verbo in-  
gemiscere est auditus. Dicenti cui-  
piam vt reposita sibi in cælo præmia  
expectaret, respondit: sibi à Deo cu-  
mularè persoluta esse iam omnia. Do-  
lores suos Deo per Beatissimam Vir-  
ginem offerebat. Vnde id monenti  
Parrum cuiquam respondit: omnis hic  
morbi dolor, & labor opto vt sint de-  
licię Matris Dei.

Oratio.

Mortif.

d. v.

**M**agnis in missione Hollandica,  
& Scotica laboribus perfunctus  
est emolumento animarum pari. Vbi-  
cunque esset, permultum amabatur,  
& dimittebatur ab inuitis. Catholica  
in Hollandia Virgo, cum illum quar-  
tanâ affligi doleret, commiseratione  
tracta impetrauit à Deo, & per ipsos  
quatuor menses ipsa febrim illam su-  
stinuit, Ioanne interea libero, ac va-  
lente. Cum verdè illa febrim haud ces-  
sare videret, suum illud desiderium  
inconsultè temeritatis damnauit, qua-  
si nesciuisset quid peteret. Nec mora;  
quartana febris puellam deseruit, Io-  
annem quasi postliminiò inuasit, ac  
etiam Duacum euntem comitata, &  
Scotorum Collegio istic præfectum,  
sexto ferè post mense per extremos  
quinque dies in continuam versa, Io-  
annem ad mortis nuncium exultantem  
extinxit.

P. Hieronymum de Florentia ali-  
qui hoc die ponunt. Vide 12. Martij.

P. FABIVS  
IVSTINIANVS.

**N**obili loco in Chio insula licet  
natus, fugiebat tamen quâ pote-  
rat nobilium familiaritatem; vt eam,  
eui semper studiosè quærendæ inuigi-  
labat, humilitatem hac etiam parte  
absolueret. Sacras expeditiones per  
insulas cycladas pluribus annis labore  
magno, & magnâ in se asperitate, Græ-  
câ istic linguâ exercuit. In ipso eius ci-  
bo humilitas, & paupertas luculenta  
emine-

Scotus  
Duaci. 17.  
Mar. 1633.  
ætat. 55.  
Soc. 30.  
Fidit.

Morbus

FRG  
Occ  
Hisp  
ætat  
Soc.

Fidit

Græcus. 17.  
Mar. Mortis  
in Sicilia.  
1648.  
ætat. 53.  
Soc. 34Ex  
par



Martij.

eminebat. Triennio toto è ferreis catenulis contextum, vt sic dicam cili-  
cium, illi pectus, & latera quã punge-  
bat, quã lacerabat, quippe arctè ad-  
strictum. Ad nocturnam quietem ves-  
tibus non detractis, rudi se sacco  
inuoluebat. Aegrè quidem, at obe-  
dientiæ amore tandem illi tertio ex-  
tremi morbi die persuasum est, vt fer-  
ream illam seu loriam voces seu cili-  
cium, exueret. Verùm aded illud sese  
in carnem penetraræ vt ferreis, alijs-  
que adiumentis fuerit opus ad illud

conuellendum. Pridie dixit, se postri-  
die moriturum. Ad exequias Religiosi  
omnes qui Morycæ fuere conuenere,  
cum conferta vi multitudinis, ad con-  
spectum elati cadaueris lacrymaræ;  
cuius mansuetudo & pietas per ipsam  
decennium illius abundè spectata erat.  
Cadauer ne direptis vestibus planè  
nudaretur in sacrarium debuit depor-  
tari. Laus eius è concionatorum ore  
per pulpita late audita: & fama fuit,  
Deum eius nomine imploratam opem  
non vni præstitisse.

## XIV. DIE MARTII.

P. ANTONIVS  
LOPEZ.

tus est Granatæ, hac etiam supremã  
laude ornatus, quòd per iter quoque  
in examinis particularis accuratiõne,  
ad finem vsque constans perstitisset.

Hispanus  
Occisus in  
Hisp. 1579.  
ætat. 26.  
Soc. 6.

Præstans illi ingenium, & virtus  
ingenio nihil minor. Accium (vul-  
go Guadix) profectus, vt sacerdo-  
tio initiaretur, posteaquam hoc die  
feliciter est inauguratus, Granatam  
redux ad aquas candidas cum 4. alijs  
Religiosis, à Morfies grassatoribus,  
seu Mauriscis concisus & internectus  
est. E sacris, quas abstulerant vestibus  
postea agniti grassatores cum se inter  
suos iactarent, tenti, & supplicio affe-  
cti sunt, falsi primùm, ea ex quibus  
manifesta est coniectura eos ad illam  
innocentium cædem non tam luci  
amore, quàm odio Christianæ Reli-  
gionis permotos. Adeoque ille primo  
Sacerdotij sui die diem vitæ supre-  
mum inuenit. Cadauera vulneribus  
fœda non poterant aliud ab alio in-  
ternosci. Antonius tamen noster ex  
eo est agnitus, quòd penes illum re-  
pertæ sint examinis quod particulare  
vocamus, tabellæ. seu libellus cum  
notis; quo signo quòd ex Societate ef-  
set facili argumento paruit: & condi-

Fides.

Examen  
physic.P. VALERIVS  
REGINALDVS.

Humili loco rusticanis ortus nata-  
libus, ingenio tamen, & virtute  
illos nobilitauit. Post Philosophiæ  
cursum laudatè planè quater, aut  
quinquies docendo emensum, Theo-  
giam moralem plusquam 20. annis  
docuit, celebritate ordinariam super-  
gressa; cum tamen ille vnicus timeret  
ne à libris quos edidit, Societas ali-  
quid obscurioris notæ acciperet. Suas  
laudes declinabat seridè: & moriens  
nescio cui, aliquid quod in eius lau-  
dem vergebat dicenti, dixit, ne se his  
mulcerent: nec viuum se laudari vel-  
le, nec mortuum: id vnum se petere,  
vt laudum loco, lacrymas à Deo sibi  
flagitarent, & impetrarent, quibus  
peccata sua elueret. Se de post fœtates  
assumptum: eoq; omni loco, & hono-  
re indignum. Torum extremi morbi

Burgundus  
Dolz. 4.  
Mar. 625.  
ætat. 80.  
Soc. 50.

Humilit.

S 2      tempus